

姑射山

喬宇

孟夏十八日早發堯廟才來二君曰姑射之山莊周所謂有神人居之者其下有龍祠亦勝可往觀焉按志云三磴山在襄陵縣西南一十五里其山九十餘里其形三磴其北有龍鬪峪內有龍澍神祠姑射自西北蜿蜒而來平其支石孔其陽三磴其鈎帶故曰姑射耳飛駕至祠下祠面東巍宮謚與塗丹飾聖其像冕旒而處者曰龍王有泉自山下東流經祠南跨建水亭其規制皚爽宏麗水氣林光明風艷日皆納而有二君觴予於亭上臨風賦詩移席山半即發源所泉抱山麓而出紛紛的的如星拱然予命僕夫穴葢一石聚石而計有百十餘穴流珠噴玉

道藏輯要

天下名山記  
山西姑射喬

共

軫集五  
川文

皓然清瑩併歸有渠漑襄陵西北之田四十餘里而東入於汾河予與二君盤踞而坐東望遙川廣原陀陀遂遂林樹如纂繡綴錦貞脆相雜徘徊談笑薄暮以歸宿於襄陵之察院泉流潺湲聲於榻下日木竹之勝宛如江南煎茗賦詩一夜幾不能寐